

fiones, regem, & D. N. Ioannem. III. omnium, quos terra colit, pijsimum orastis, vt mihi eius in hac sua regia, eademq; florentissima Academia gymnastarum minimo iuberet, publicam super eo disputationem (quã repetitionẽ vocamus) habere. Deinde, quòd in eis resoluuntur quæstiones illæ grãdes, quas per literas suas generis nobilitate, eruditione, ac religione insignes Ludouicus Gõdisaluis à Norogna, & Ioannes Nõnius socij vestri in Aphricã, causa instruedi, consolandi, confirmandi, redimendiq; Christianos captiuos ad impiam Sarracenorum gentem missi, suis literis ante duos annos mouerunt. Quæstiones item illæ, quas perdoctus Emanuel à Nobrega pridẽ à nobis laurea donatus, religione, doctrina, & genere clarus: & Ioãnes ab Azpilcuenta, meus ex fratre nepos charissimus ex Brasilia: quòd eos ad negotia I Esu C Hristi agenda misistis, ante annum suis literis interrogarunt. Postremo quòd meum erga vos amorem, obseruantiam, & pietatẽ, vel hoc munusculo testatam esse omnibus eo magis percipio, quo pluribus olim videri potui frigidius istud vestrum viuendi insti